



UNIVERSITÄTS-
BIBLIOTHEK
PADERBORN

Universitätsbibliothek Paderborn

Benedicti Ariæ Montani Hispalensis Poemata

In Qvatvor Tomos Distincta

In quo Daudis Regis ac Prophetæ, aliorumque sacrorum Vatum Psalmi; ex
Hebraica veritate in Latinum carmen obseruantissimè conuersi

Arias Montano, Benito

Antverpiæ, 1589

Psalmvs XXII. Deus Deus meus respice in me.

urn:nbn:de:hbz:466:1-44993

24 I A S tuo te robore præpotens
Victorem & altè conspicuum dabis;
Nos ista mirati sequemur
Carminibus fidibusque gesta.

PSALMVS XXII.

Deus Deus meus respice in me.

PVBLICAE CVLPÆ EXPIATIO.

3 Ad præstantem super ceruam aurore,
Psalmus David.

Ode Dicolos Tetraſtrophos.

- 2 **O** FORTIS mihi, mi FORTIS ades mi
Cur me terribili tempore deseris?
Cur semota salus, dum rugio dolens,
A verbis profugit meis?
- 3 Totam luce Deus te voco per diem;
Respondes tamen haud tu mihi: noctibus
Appello vigil, heu nec modus additur
Clamandi, aut requies mihi.
- 4 Sed tu sanctus eras, sanctus & infides,
Atque immota tenes numina laudibus
Olim culta bonis, quas tuus Israël
Miris concinuit modis.
- 5 Tu nostris proavis spes Deus efficax,
Quos spes certa dedit viuere sospites:
- 6 Hos clamore citus dum rapis è malo,
Sperasse haud puduit viros.
- 7 Nunc sum vermis ego, non vir, & infimum
Quem ducunt homines dedecus, vt vides:
- 8 Derisor populus me labijs petit
Infans, caput & mouet.
- 9 Hic I A M in solidum vertitur, vt rota,
Euadat dubijs hoc duce casibus;
Hunc ipse eripiet, linquite, namque amat
Dilectumque fouet Deus.
- 10 Alui ast ipse tamen de latebris tener
Erupi expositus numine iam tuo:
Tu me dum genitrix vberè pasceret,
Iam spe fulcieras bona.
- 11 Dumque ipse ex vtero solueret, vnicus
Tu exceptor fueras; matris in intimis
Tu mi FORTIS eras visceribus Deus
• Mirandisque modis pater.

- 12 Angustis igitur dum propius premor
Rebus, ne abfueris longius; en mihi,
(Ni tu præsidio subuenias citò)
Mortale auxilium vacat.
- 13 Ut tauri innumeri me obsideant vides,
Quot Bassan validos saltibus educat:
- 14 In me os, quæ est rabies sæua leonibus,
Et rictus patulos ferunt.
- 15 Instar fluxit aquæ & disperijt vigor,
Et corpus fluidis soluitur artibus
Ut cera, in medijs visceribus nimis
Cor pressum mihi liquitur.
- 16 Vis, ceu testa recens cocta, peraruit;
Hæret lingua rigens faucibus asperis:
Qualis mortis inest pulueribus color,
Est pellis mihi lurida.
- 17 Nam me prærabidi turba nocens canes
Circumducta feris rictibus obsidet;
Perfodere meas cum pedibus manus
Frendens vnguibus ut leo.
- 18 Ossa ut cuncta ego iam dinumerem mea,
Me cerno: ast oculis inuvida perfidis
Hæc me turba videt, spectat & infolens,
Irridetque meam vicem.
- 19 Diuisere meas; ceu spoliolum, sibi
Vestes: ac tunicam diuidi inutilem
Sortis iudicio tollere singuli
Contendunt, cupidè & petunt.
- 20 IAS tu mihi nunc non procul hæseris,
Fer mi fortis opem, sed propera ô vigor:
- 21 Ex ferro hanc animam protinus vnica
Defende eque canum manu.
- 22 Tu me de rabidis eripe rictibus,
Queis pressum impatiens me lacerat leo;
Et queis me validus rhinoceros iacit,
Altum cornibus excipe.
- 23 Sospesque ipse tuam fratribus omnibus
Virtutem referam, nominis ac tui
Tunc laudes recinam cœtibus integris
Mirantum, ac repetam frequens.
- 24 IAM qui colitis, ludibus inclytis
Cantate, alrisonis tollite plausibus
LYCTATI soboles, semen & Israel;
Sacro suscipite hunc metu.

- 25 Namque ille haud inopes prospicere abnuat,
Nec fastu miserum despicit inuido,
Nec vultus famulo distinuit sacros,
Sed praesens querulum audijt.
- 26 Vnum te referet laus mea principem
Audita innumeros per populos: tibi
Soluam vota pios inter ouans choros,
Magnum qui metuunt Deum.
- 27 Libabitque epulas turba modestior,
Et laetum peragent hunc saturi diem:
I A M qui celebrant, laude canent nouis
Viuant corda diu pia.
- 28 Telluris memores vndique termini
I A M deposita stultitia petent,
Quem diuisa locis agmina Gentium
Votis supplicibus colent.
- 29 I A S regnum etenim iure tenet suo;
Huic cederetque hominum cuncta potentias
Ille aequo varias (nam sapit, & valet)
Gentes imperio regit.
- 30 Et quotquot saturat delicijs ferax
Tellus, cum dapibus suscipiam meis;
Mirari superum munera, supplices
Grates exsoluent pij.
- 31 Hoc praesente graui corruet impetu,
Quisquis delinuit puluere sordido,
Cuius non animam numine viuido
Magnus restituit pater.
- 32 Sed semen, placido pectore quod coles
Illa aetate Deum, caedet amabilem
Conscriptum Domini ac principis in gregem,
Iunctum ciuibus & poli.
- 33 Illi post genito iustitiam Dei
Narrantes populo, nuntia deferent,
Dicent polliciris denique vt efficax
Numen constiterit suis.

PSALMVS XXIII.

Dominus regit me.

PIETATIS CONDITIO BEATA.

Psalmus David. Ode Sapphica.

DVm salutaris mihi pastor I A S
Consulit, felix ego nil egebo.

Ille